

# УРИЛДААНДА ТҮРҮҮЛЬЭН МОРИНОЙ МАГТААЛ

Заан шэнги бээтэй,  
Загаһан шэнги нюргатай,  
Сэб сэхэ бээтэй,  
Шэнгэн сагаан дэлһэтэй,  
Мойһон хара нюдэтэй,  
Мойрон сагаан шүдэтэй,  
Хүжэ мүнгэн тахатай,  
Сагаан мүнгэн тахатай,  
Сахир булад туруутай,  
Шэн булад туруутай,  
Шудхамал мүнгэн жолоотой,  
Толгой дээрээ тооһогүй,  
Тохом дээрээ хүлһэгүй,  
Холо газар гүйгөөшө  
Хүүгшэ гүүнэй унаган,  
Хүрин азаргын хүбүүн,  
Сагаагша гүүнэй унаган,  
Сабидар азаргын хүбүүн,  
Түрүүн ерэхэн морин  
Түмэн хүнэй магтаал болог!  
Урид ерэхэн морин  
Олон хүнэй магтаал болог!  
Ташуургүй ерэхэн морин  
Табин хүнэй магтаал болог!